

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2021/1236**

2022/EES/72/44

frá 12. maí 2021

um reglur um beitingu reglugerðar Evrópuþingsins og ráðsins (ESB) 2019/787 er varða umsóknir um skráningu á landfræðilegum merkingum á brenndum drykkjum, andmælameðferð, breytingar á forskriftum fyrir afurðir, afturköllun skráningar, notkun tákns og eftirlit (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 ⁽¹⁾, einkum c-lið fyrstu málsgreinar 20. gr. og 42. gr.,

og að teknu tilliti til eftirfarandi:

- 1) Reglugerð (ESB) 2019/787 felldi úr gildi og kom í stað reglugerðar Evrópuþingsins og ráðsins (EB) nr. 110/2008 ⁽²⁾. Í III. kafla reglugerðar (ESB) 2019/787 er mælt fyrir um reglur um landfræðilegar merkingar í geira brenndra drykkja og framkvæmdastjórninni veitt vald til að samþykkja framseldar gerðir og framkvæmdargerðir að því er það varðar. Til að tryggja snurðulausa starfsemi markaðarins fyrir brennda drykki innan hins nýja lagaramma og einkum til að einfalda og hagræða starfsemi kerfisins fyrir landfræðilegar merkingar brenndra drykkja verður að samþykkja tiltekna reglur með slíkum gerðum. Þessar gerðir ættu að koma í staðinn fyrir hluta ákvæða framkvæmdarreglugerðar framkvæmdastjórnarinnar (ESB) nr. 716/2013 ⁽³⁾ sem er felld úr gildi með framseldri reglugerð framkvæmdastjórnarinnar (ESB) 2021/1235 ⁽⁴⁾.
- 2) Með reglugerð (ESB) 2019/787 er heimilað að nokkrir hópar frá mismunandi aðildarríkjum eða þriðju löndum leggi fram sameiginlega umsókn um skráningu landfræðilegra merkinga á brenndum drykkjum. Til glöggvunar ætti að mæla fyrir um viðbótarreglur um framlagningu slíkra sameiginlegra umsókna sem varða fleiri en eitt landsbundið yfirráðasvæði.
- 3) Til að tryggja að samræmdar og skilvirkar málsmeðferðarreglur séu fyrir hendi ætti að mæla fyrir um reglur um tilskildar upplýsingar og eyðublöð til að leggja fram umsóknir um skráningu, umsóknir um samþykki fyrir breytingum á vegum Sambandsins á forskrift fyrir afurð og orðsendingar varðandi samþykktar almennar og tímabundnar breytingar, tilkynningar og rökstuddar yfirlýsingar um andmæli, tilkynningar um lok samráðs í kjölfar andmælameðferðar og beiðnir um afturköllun skráninga.
- 4) Í forskriftinni fyrir afurðina ætti að lýsa því landsvæði landfræðilegra merkinga sem sóst er eftir vernd fyrir á sundurliðaðan, nákvæman og ótvíræðan hátt sem gerir framleiðendum, lögbærum yfirvöldum og eftirlitsaðilum kleift að starfa á öruggum, afdráttarlausum og áreiðanlegum grunni. Enn fremur ætti eina skjalið að innihalda gagnröð samantekt um landfræðilega svæðið.

(*) Þessi ESB-gerð birtist í Stjtið. ESB L 270, 29.7.2021, bls. 10. Hennar var getið í ákvörðun sameiginlegu EES-nefndarinnar nr. 241/2022 frá 23. September 2022 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 130, 17.5.2019, bls. 1.

(2) Reglugerð Evrópuþingsins og ráðsins (EB) nr. 110/2008 frá 15. janúar 2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum og niðurfellingu á reglugerð ráðsins (EBE) nr. 1576/89 (Stjtið. ESB L 39, 13.2.2008, bls. 16).

(3) Framkvæmdarreglugerð framkvæmdastjórnarinnar (ESB) nr. 716/2013 frá 25. júlí 2013 um reglur vegna beitingar reglugerðar Evrópuþingsins og ráðsins (EB) nr. 110/2008 um skilgreiningu, lýsingu, kynningu, merkingu og vernd landfræðilegra merkinga á brenndum drykkjum (Stjtið. ESB L 201, 26.7.2013, bls. 21).

(4) Framseld reglugerð framkvæmdastjórnarinnar (ESB) 2021/1235 frá 12. maí 2021 um viðbætur við reglugerð Evrópuþingsins og ráðsins (ESB) 2019/787 með reglum er varða umsóknir um skráningu á landfræðilegum merkingum á brenndum drykkjum, breytingar á forskriftum fyrir afurðir, afturköllun skráningar og skrána (Stjtið. ESB L 270, 29.7.2021, bls. 1).

- 5) Vernda ætti hagsmuni þriðju aðila í aðildarríki ef umtalsverðar breytingar eru gerðar á forskriftum fyrir afurðir, sem lagðar voru fram með umsókninni, í kjölfar athugasemda framkvæmdastjórnarinnar í tengslum við grannskoðunina sem gerð var skv. 1. mgr. 30. gr. reglugerðar (ESB) 2019/787. Birta ætti slíkar breytingar á viðunandi hátt á vettvangi aðildarríkja til að einstaklingar eða lögaðilar sem eiga lögmætra hagsmuna að gæta geti lagt fram andmæli.
- 6) Í þágu réttarvissu og skilvirkrar stjórnunar kerfisins ætti að kveða á um ítarlegar reglur varðandi kröfur og fresti í tengslum við andmælameðferð, umsóknir um samþykki fyrir breytingum á vegum Sambandsins, orðsendingar varðandi samþykktar almennar eða tímabundnar breytingar og beiðnir um afturköllun.
- 7) Í samræmi við 1. mgr. 27. gr. reglugerðar (ESB) 2019/787 á framkvæmdastjórnin að miðla tilkynningu um andmæli sem hafa verið lögð fram gegn umsókn um skráningu á landfræðilegri merkingu eða umsókn um samþykki fyrir breytingu á vegum Sambandsins eða gegn beiðni um afturköllun til yfirvaldsins, aðilans eða einstaklingsins sem lagði fram umsóknina eða beiðnina. Af ástæðum sem varða gagnsæi og hagkvæmni við málsmeðferðina ætti sú tilkynning að innihalda nafn og samskiptaupplýsingar mótaðilans. Umsækjandinn getur þá umsvifalaust hafið óformlegt samráð við hugsanlegan mótaðila og mögulega skýrt vandamálið áður en mótaðilinn sendir rökstudda yfirlýsingu um andmæli.
- 8) Ef tæk, rökstutt yfirlýsing um andmæli kemur á eftir tilkynningu um andmæli skal framkvæmdastjórnin láta yfirvaldinu, aðilanum eða einstaklingnum sem lagði fram tilkynninguna um andmælin og yfirvaldinu, aðilanum eða einstaklingnum sem lagði fram umsóknina um skráningu eða breytingu eða beiðni um afturköllun í té viðkomandi samskiptaupplýsingar til að gera aðilunum tveimur kleift að taka þátt í viðeigandi samráði í samræmi við 3. mgr. 27. gr. reglugerðar (ESB) 2019/787.
- 9) Nafn umsækjanda sem leggur fram umsókn um samþykki fyrir breytingu á vegum Sambandsins eða einstaklings, eða heiti lögaðila sem leggur fram beiðni um afturköllun í samræmi við 31. eða 32. gr. reglugerðar (ESB) 2019/787, eftir því sem við á, skal birt til að auðkenna þá aðila sem hafa virkjað málsmeðferð fyrir breytingu eða afturköllun og til að gera hugsanlegum mótaðilum kleift að vefengja lögmæti hagsmuna þeirra.
- 10) Nauðsynlegt er að birta samþykktar almennar og tímabundnar breytingar í *Stjórnartíðindum Evrópusambandsins* til að breytingin verði opinber og taki gildi á yfirráðasvæði Sambandsins í samræmi við nýja kerfið til að samþykkja breytingar sem um getur í 31. gr. reglugerðar (ESB) 2019/787. Birting samþykktar almennrar breytingar sem vísar til landfræðilegrar merkingar sem er upprunnin í þriðja landi og sem einstaklingur eða lögaðili tilkynnti um getur innihaldið persónuupplýsingar til að auðkenna aðilann sem ber ábyrgð á að senda slíka breytingu.
- 11) Taka ætti gildandi reglur um notkun Evrópusambandstáknsins fyrir verndaðar landfræðilegar merkingar fyrir landbúnaðarafurðir og matvæli, eins og sett er fram í framkvæmdarreglugerð framkvæmdastjórnarinnar (ESB) nr. 668/2014⁽⁵⁾, óbreyttar inn til að gera neytendum kleift að bera kennsl á brennda drykki sem bera verndaða landfræðilega merkingu.
- 12) Virðisauki landfræðilegrar merkingar byggist á trausti neytenda. Kerfið er einungis marktækt ef því fylgir skilvirk auðkenning, eftirlit og endurskoðun sem felst m.a. í kerfi fyrir eftirlit á öllum stigum framleiðslu, vinnslu og dreifingar sem er stjórnað af lögbærum yfirvöldum sem aðildarríkin tilnefna í samræmi við 1. mgr. 43. gr. reglugerðar Evrópuþingsins og ráðsins (ESB) 2019/787 í tengslum við 2. mgr. 38. gr. þeirrar reglugerðar. Til að starfsemi innri markaðarins verði eins og best verður á kosið er mikilvægt að framleiðendur geti hratt og auðveldlega sýnt fram á, í ýmsu samhengi, að þeir hafi leyfi til að nota verndaða heitið, s.s. við eftirlit tollvarða, markaðseftirlit eða að beiðni rekstraráðila í viðskiptum. Kerfi sem aðildarríki hafa innleitt ætti einnig að tryggja að framleiðendur sem fara að reglunum eigi rétt á að falla undir sannprófun á samræmi við forskriftina fyrir afurðina.

⁽⁵⁾ Framkvæmdarreglugerð framkvæmdastjórnarinnar (ESB) nr. 668/2014 frá 13. júní 2014 um reglur vegna beitingar reglugerðar Evrópuþingsins og ráðsins (ESB) nr. 1151/2012 um gæðakerfi fyrir landbúnaðarafurðir og matvæli (Stjtfð. ESB L 179, 19.6.2014, bls. 36).

- 13) Setja ætti reglur og taka upp eyðublöð að því er varðar sönnun fyrir vottun brenndra drykkja sem bera landfræðilega merkingu sem tengist landfræðilegu svæði í þriðja landi.
- 14) Til að auka skilvirkni í rekstri stjórnarsýslu og með tilliti til reynslu sem fengist hefur í gegnum upplýsingakerfi sem framkvæmdastjórnin hefur komið upp skal einfalda samskiptin milli aðildarríkjanna og framkvæmdastjórnarinnar og skiptast skal á upplýsingum í samræmi við framselda reglugerð framkvæmdastjórnarinnar (ESB) 2017/1183 ⁽⁶⁾ og framkvæmdarreglugerð framkvæmdastjórnarinnar (ESB) 2017/1185 ⁽⁷⁾.
- 15) Framkvæmdastjórnin hefur komið á fót upplýsingakerfinu *e-Ambrosia* til meðhöndla umsóknir um vernd landfræðilegra merkinga fyrir matvæli, vín, brennda drykki og kryddvín. Aðildarríkin og framkvæmdastjórnin ættu að halda áfram að nota það kerfi, að því er varðar brennda drykki, fyrir samskipti sem varða málsmeðferðarreglur í tengslum við umsóknir um skráningu og um samþykki fyrir breytingum á forskriftinni fyrir afurðina. Vegna hins strangra faggildingakerfis ætti þó ekki að nota þetta kerfi til samskipta við aðildarríki varðandi málsmeðferð vegna andmæla og beiðna um afturköllun og ekki ætti að nota það til samskipta við þriðju lönd fyrr en tilskildar ábyrgðir um stafrænt öryggi liggja fyrir. Þess í stað ættu aðildarríki, lögbær yfirvöld og framleiðendur í þriðju löndum, sem og einstaklingar eða lögaðilar sem hafa lögmætra hagsmuna að gæta samkvæmt reglugerð (ESB) 2019/787, að eiga samskipti við framkvæmdastjórnina með tölvupósti að því er varðar málsmeðferð vegna andmæla og beiðna um afturköllun.
- 16) Skilgreina ætti með hvaða hætti framkvæmdastjórnin gerir upplýsingar um landfræðilegar merkingar í geira brenndra drykkja aðgengilegar fyrir almenning.
- 17) Framkvæmdastjórnin og aðildarríkin annast málsmeðferð vegna skráningar, breytinga á forskrift fyrir afurð og afturköllun skráningar að því er varðar landfræðilegar merkingar á brenndum drykkjum, sem eru upprunnir í Sambandinu, og málsmeðferð sem varðar eftirlit samkvæmt reglugerð (ESB) 2019/787, framseldri reglugerð (ESB) 2021/1235 og þessari reglugerð. Framkvæmdastjórnin og aðildarríkin bera ábyrgð á aðgreindum þrepum í hverri tegund málsmeðferðar. Aðildarríkin bera ábyrgð á fyrsta þrepinu, sem felst í því að taka við umsókninni frá framleiðendahópnum, meta hana, þ.m.t. að fara í gegnum landsbundna andmælameðferð, og, þegar niðurstaða er komin úr matinu, að leggja umsóknina fyrir framkvæmdastjórnina. Framkvæmdastjórnin ber ábyrgð á því að granskoða umsóknirnar, þ.m.t. að fara í gegnum alþjóðlega andmælameðferð, og taka ákvörðun um hvort veita eigi landfræðilegu merkingunni vernd. Framkvæmdastjórnin annast einnig samsvarandi málsmeðferð vegna landfræðilegra merkinga sem eru upprunnar í þriðju löndum.
- 18) Með það fyrir augum að lágmarka að persónuupplýsingar séu óvarðar ætti að forðast, eins og mögulegt er, að gera kröfu um að persónuupplýsingar komi fram í þeim skjölum sem lögð eru fram við viðkomandi málsmeðferð. Samt sem áður gætu framkvæmdastjórnin og aðildarríkin þurft að vinna með upplýsingar sem innihalda persónuupplýsingar, s.s. nöfn einstaklinga og samskiptaupplýsingar þeirra. Í tilhlýðilega rökstuddum tilvikum gæti þurft að gefa upp slíkar upplýsingar eða birta þær opinberlega.
- 19) Reglugerð Evrópuþingsins og ráðsins (ESB) 2018/1725 ⁽⁸⁾ gildir um vinnslu persónuupplýsinga sem framkvæmdastjórnin framkvæmir við þessa málsmeðferð. Rétt þykir að skýra nánar að framkvæmdastjórnin skal teljast vera ábyrgðaraðili í skilningi reglugerðar (ESB) 2018/1725 í tengslum við vinnslu persónuupplýsinga í þeirri málsmeðferð sem hún ber ábyrgð á samkvæmt reglugerð (ESB) 2019/787.

⁽⁶⁾ Framseld reglugerð framkvæmdastjórnarinnar (ESB) 2017/1183 frá 20. apríl 2017 um viðbætur við reglugerðir Evrópuþingsins og ráðsins (ESB) nr. 1307/2013 og (ESB) nr. 1308/2013 að því er varðar miðlun á upplýsingum og skjölum til framkvæmdastjórnarinnar (Stjtið. ESB L 171, 4.7.2017, bls. 100).

⁽⁷⁾ Framkvæmdarreglugerð framkvæmdastjórnarinnar (ESB) 2017/1185 frá 20. apríl 2017 um reglur um beitingu reglugerða Evrópuþingsins og ráðsins (ESB) nr. 1307/2013 og (ESB) nr. 1308/2013 að því er varðar miðlun á upplýsingum og skjölum til framkvæmdastjórnarinnar og um breytingu og niðurfellingu á nokkrum reglugerðum framkvæmdastjórnarinnar (Stjtið. ESB L 171, 4.7.2017, bls. 113).

⁽⁸⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtið. ESB L 295, 21.11.2018, bls. 39).

- 20) Reglugerð Evrópuþingsins og ráðsins (ESB) 2016/679⁽⁹⁾ gildir um vinnslu persónuupplýsinga sem aðildarríki framkvæma við viðkomandi málsmeðferð. Því þykir rétt þykir að skýra nánar að lögbær yfirvöld aðildarríkjanna skulu teljast vera ábyrgðaraðilar í skilningi reglugerðar (ESB) 2016/679 í tengslum við vinnslu persónuupplýsinga í þeirri málsmeðferð sem þau bera ábyrgð á samkvæmt reglugerð (ESB) 2019/787.
- 21) Ráðstafanirnar, sem kveðið er á um í þessari reglugerð, eru í samræmi við álit nefndarinnar um brennda drykki.

SAMÞYKKT REGLUGERÐ ÞESSA:

I. KAFLI

Inngangsákvæði

1. gr.

Efni

Í þessari reglugerð er mælt fyrir um reglur um beitingu reglugerðar (ESB) 2019/787 að því er varðar landfræðilegar merkingar á brenndum drykkjum, þá einkum varðandi:

- a) umsóknir um skráningu,
- b) andmælameðferð,
- c) breytingar á forskriftum fyrir afurðir,
- d) afturköllun skráningar,
- e) notkun á Evrópusambandstákninu,
- f) eftirlit,
- g) orðsendingar.

II. KAFLI

SÉRTÆK ÁKVÆÐI

1. ÞÁTTUR

UMSÓKN UM SKRÁNINGU

2. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Sameiginlegar umsóknir

1. Að því er varðar 4. mgr. 24. gr. reglugerðar (ESB) 2019/787, að því er varðar sameiginlegar umsóknir um skráningu á landfræðilegri merkingu, skulu kröfurnar sem mælt er fyrir um í 23. gr. reglugerðar (ESB) 2019/787 og í 2. gr. framseldrar reglugerðar (ESB) 2021/1235 uppfylltar í öllum viðkomandi aðildarríkjum og þriðju löndum. Ákvæði 3. gr. framseldrar reglugerðar (ESB) 2021/1235 skulu gilda um öll viðkomandi aðildarríki.

⁽⁹⁾ Reglugerð Evrópuþingsins og ráðsins (ESB) 2016/679 frá 27. apríl 2016 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga og niðurfellingu tilskipunar 95/46/EB (almenna persónuverndarreglugerðin) (Stjtíð. ESB L 119, 4.5.2016, bls. 1).

2. Aðildarríki, yfirvald þriðja lands eða umsækjandi sem hefur staðfestu í þriðja landi, sem leggur fyrir framkvæmdastjórnina sameiginlega umsókn eins og um getur í 1. mgr., verður viðtakandi allra tilkynninga eða ákvarðana sem framkvæmdastjórnin gefur út.

3. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Eina skjalið

1. Að því er varðar c-lið fyrstu undirgreinar 1. mgr. 23. gr. og b-lið 2. mgr. 23. gr. reglugerðar (ESB) 2019/787 skal eina skjalið vera gagnort og ekki lengra 2500 orð, nema í tilhlýðilega rökstuddum tilvikum.

2. Ef umsóknin tengist landfræðilegu svæði í aðildarríki skal útbúa eina skjalið í samræmi við eyðublaðið sem er gert aðgengilegt í stafrænu kerfunum sem um getur í a-lið fyrstu undirgreinar 1. mgr. 13. gr.

3. Ef umsóknin tengist landfræðilegu svæði í þriðja landi skal yfirvald þriðja landsins eða umsækjandi með staðfestu í þriðja landi nota fyrirmyndina að einu skjali sem sett er fram í I. viðauka. Framkvæmdastjórnin getur fært þær upplýsingar sem þannig eru veittar inn í stafræn kerfi sín.

4. Ákvæði 1. og 2. mgr. skulu einnig gilda um eina skjalið sem fellur undir beiðni um birtingu í samræmi við 6. mgr. 50. gr. reglugerðar (ESB) 2019/787.

4. gr.

(Framkvæmdarvald í samræmi við a-lið 1. mgr. 42. gr. reglugerðar (ESB) 2019/787) Landfræðilegt svæði

Landfræðilega svæðið sem um getur í d-lið fyrstu undirgreinar 1. mgr. 22. gr. reglugerðar (ESB) 2019/787 skal skilgreint í forskriftinni fyrir afurðina á nákvæman hátt sem býður ekki upp á neina tvíræðni og vísar eftir því sem mögulegt er til efnislegra eða stjórnsýslulegra marka.

5. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Landsbundið viðbótargrannskoðunarferli

Ef gerðar eru, í kjölfar samskipta milli framkvæmdastjórnarinnar og hlutaðeigandi aðildarríkis sem um getur í 1. mgr. 30. gr. reglugerðar (ESB) 2019/787, umtalsverðar breytingar á forskrift fyrir afurð skulu þessar breytingar birtar á viðunandi hátt í hlutaðeigandi aðildarríki til að gera öllum einstaklingum eða lögaðilum, sem hafa lögmætra hagsmuna að gæta og hafa staðfestu eða eru heimilisfastir á yfirráðasvæði viðkomandi aðildarríkis, kleift að leggja fram andmæli áður en nýja útgáfan af eina skjalinu er send til framkvæmdastjórnarinnar.

Í tilvikum þegar landsbundin viðbótaramælameðferð á að fara fram getur framkvæmdastjórnin, óski hlutaðeigandi aðildarríki þess, framlengt frestinn til að leggja fram athugasemdir, sem um getur í 1. mgr. 30. gr. reglugerðar (ESB) 2019/787, um allt að sex mánuði.

Rafræna tilvísunin í birta útgáfu forskriftarinnar fyrir afurðina skal uppfærð og skal leiða til samsteyprar útgáfu af fyrirhugaðri forskrift fyrir afurðina.

2. ÞÁTTUR

ANDMÆLAMÉÐFERÐ

6. gr.

(Framkvæmdarvald í samræmi við b-lið 1. mgr. 42. gr. reglugerðar (ESB) 2019/787) Málsmeðferðarreglur vegna andmæla

1. Tilkynning um andmæli, eins og um getur í fyrstu undirgrein 1. mgr. 27. gr. reglugerðar (ESB) 2019/787, skal innihalda:
 - a) heitið, sem andmælin varða, sem birt var í C-deild *Stjórnartíðinda Evrópusambandsins*,
 - b) tilvísun í C-deild *Stjórnartíðinda Evrópusambandsins* þar sem viðkomandi umsókn um skráningu heitisins, umsókn um breytingu á vegum Sambandsins eða beiðni um afturköllun var birt,
 - c) nafn og samskiptaupplýsingar yfirvalds aðildarríkisins eða þriðja landsins eða einstaklingsins eða heiti lögaðilans sem lagði fram tilkynninguna um andmælin,
 - d) yfirlýsingu um að umsóknin gæti brotið í bága við kröfurnar í III. kafla reglugerðar (ESB) 2019/787.

Útbúa skal tilkynningu um andmæli í samræmi við eyðublaðið sem sett er fram í II. viðauka.

2. Rökstudd yfirlýsing um andmæli, eins og um getur í 2. mgr. 27. gr. reglugerðar (ESB) 2019/787, skal innihalda:
 - a) heitið, sem andmælin varða, sem birt var í C-deild *Stjórnartíðinda Evrópusambandsins*,
 - b) tilvísun í C-deild *Stjórnartíðinda Evrópusambandsins* þar sem heitið, sem andmælin varða, var birt,
 - c) nafn og samskiptaupplýsingar yfirvalds aðildarríkisins eða yfirvalds þriðja landsins eða einstaklingsins eða heiti lögaðilans sem lagði fram rökstuddu yfirlýsinguna um andmælin,
 - d) lýsingu á lögmætum hagsmunum einstaklingsins eða lögaðilans sem lagði fram tilkynninguna um andmælin; þessi krafa skal ekki gilda um landsyfirvöld,
 - e) tilgreiningu á ástæðunum fyrir andmælunum, eins og um getur í 28. gr. reglugerðar (ESB) 2019/787,
 - f) upplýsingar um staðreyndir málsins, sönnunargögn og athugasemdir sem styðja við andmælin.

Ef við á mega fylgiskjöl fylgja rökstuddu yfirlýsingunni.

Útbúa skal rökstudda yfirlýsingu um andmæli í samræmi við eyðublaðið sem sett er fram í III. viðauka. Þrátt fyrir þetta getur framkvæmdastjórnin tekið við rökstuddri yfirlýsingu sem er ekki útbúin í samræmi við þetta eyðublað, að því tilskildu að allar þær upplýsingar sem krafist er samkvæmt þessari grein séu veittar.

3. Að því er varðar fimmtu undirgrein 1. mgr. 27. gr. reglugerðar (ESB) 2019/787 skal senda nafn og samskiptaupplýsingar yfirvaldsins eða einstaklingsins sem lagði fram tilkynninguna um andmælin til yfirvaldsins, aðilans eða einstaklingsins sem lagði fram umsóknina um skráningu eða samþykki fyrir breytingu á vegum Sambandsins eða beiðni um afturköllun.

4. Að því er varðar 3. mgr. 27. gr. reglugerðar (ESB) 2019/787 skal senda nafn og samskiptaupplýsingar yfirvaldsins eða einstaklingsins sem lagði fram rökstuddu yfirlýsinguna um andmæli og yfirvaldsins, aðilans eða einstaklingsins sem lagði fram umsóknina um skráningu eða um samþykki fyrir breytingu á vegum Sambandsins eða beiðni um afturköllun til hins aðilans.

5. Framkvæmdastjórninni skal tilkynnt um niðurstöður samráðsins, sem um getur í 3. mgr. 27. gr. reglugerðar (ESB) 2019/787, innan eins mánaðar frá því að samráðinu lýkur. Slík tilkynning skal innihalda:

- a) heitið, sem andmælin varða, sem birt var í C-deild *Stjórnartíðinda Evrópusambandsins*,
- b) tilvísun í C-deild *Stjórnartíðinda Evrópusambandsins* þar sem heitið, sem andmælin varða, var birt,
- c) nafn mótaðilans eða -aðilanna,
- d) niðurstöður samráðsins,
- e) upplýsingar um hvort eina skjalinu eða forskrift fyrir afurð hafi verið breytt og lýsingu á slíkum breytingum.

Tilkynningin um lok samráðs í kjölfar andmælameðferðar skal útbúin í samræmi við eyðublaðið sem sett er fram í IV. viðauka við þessa reglugerð.

3. ÞÁTTUR

BREYTINGAR Á FORSKRIFT FYRIR AFURÐ

7. gr.

(Framkvæmdarvald í samræmi við c-lið 1. mgr. 42. gr. reglugerðar (ESB) 2019/787) Umsóknir um breytingar á vegum Sambandsins

1. Umsókn um samþykki fyrir breytingu á vegum Sambandsins á forskrift fyrir afurð, eins og um getur í 31. gr. reglugerðar (ESB) 2019/787, skal innihalda:

- a) verndaða heitið sem breytingin varðar,
- b) nafn og samskiptaupplýsingar umsækjanda og lýsingu á lögmætum hagsmunum umsækjandans,
- c) þær yfirskriftir í forskriftinni fyrir afurðina og í eina skjalinu sem breytingin hefur áhrif á,
- d) útskýringu á því hvers vegna breytingin fellur undir skilgreininguna á breytingu á vegum Sambandsins, eins og kveðið er á um í 31. gr. reglugerðar (ESB) 2019/787,
- e) lýsingu á og ástæðurnar fyrir hverri breytingu sem lögð er til,
- f) samsteypta eina skjalið, með breytingum,
- g) rafrænu tilvísunina í birta útgáfu samsteyptu forskriftarinnar fyrir afurðina, með breytingum,
- h) yfirlýsingu frá aðildarríkinu um að það telji að umsóknin uppfylli kröfurnar í reglugerð (ESB) 2019/787 og ákvæði sem samþykkt hafa verið í samræmi við hana,
- i) einungis fyrir umsóknir frá þriðju löndum: sönnun fyrir því að breytingin sem óskað er eftir sé í samræmi við lög um vernd landfræðilegra merkinga sem gilda í því þriðja landi.

Lýsingin og ástæðurnar sem um getur í e-lið og skjalið sem um getur í f-lið skulu ekki vera lengri en 2500 orð hvort fyrir sig, nema í tilhlýðilega rökstuddum tilvikum.

2. Umsókn um samþykki fyrir breytingu á vegum Sambandsins skal vera gagnorð og ekki lengri en 5000 orð, nema í tilhlýðilega rökstuddum tilvikum. Umsókn frá aðildarríki skal tekin saman í samræmi við eyðublaðið sem er gert aðgengilegt í stafrænu kerfunum sem um getur í a-lið fyrstu undirgreinar 1. mgr. 13. gr. Umsækjendur frá þriðju löndum skulu nota eyðublaðið sem sett er fram í V. viðauka. Framkvæmdastjórnin getur fært þær upplýsingar sem þannig eru veittar inn í stafræn kerfi sín.

3. Breytta eina skjalið skal tekið saman í samræmi við 3. gr. Umsókn frá þriðja landi getur innihaldið samsteypta útgáfu forskriftarinnar fyrir afurðina í stað rafrænu tilvísunarinnar í birta útgáfu forskriftarinnar fyrir afurð.

4. Að því er varðar 4. mgr. 31. gr. reglugerðar (ESB) 2019/787, í tengslum við 2. mgr. 26. gr. þeirrar reglugerðar, skal framkvæmdastjórnin birta, auk eina skjalsins, með breytingum, og tilvísunarinnar í birtingu forskriftarinnar fyrir afurðina, með breytingum, umsóknina um samþykki fyrir breytingu á vegum Sambandsins á forskrift fyrir afurð í C-deild *Stjórnartíðinda Evrópusambandsins*.

Nöfn einstaklinga eða lögaðila eða opinberra starfsmanna aðildarríkis eða þriðju landa sem leggja umsóknina fram skulu birt sem hluti af þeirri umsókn.

8. gr.

(Framkvæmdarvald í samræmi við c-lið 1. mgr. 42. gr. reglugerðar (ESB) 2019/787) Orðsending um almenna breytingu

1. Orðsending um samþykkt almenna breytingu á forskrift fyrir afurð, í samræmi við aðra undirgrein 2. mgr. 8. gr. og 3., 7. og 8. mgr. 8. gr. framseldrar reglugerðar (ESB) 2021/1235, skal innihalda:

- a) tilvísunina í verndaða heitið sem almenna breytingin varðar,
- b) útskýringu á því hvers vegna breytingin fellur undir skilgreininguna á almennri breytingu, eins og kveðið er á um í 31. gr. reglugerðar (ESB) 2019/787,
- c) lýsingu á samþykktu breytingunni þar sem tilgreint er hvort breytingin leiðir til breytingar á eina skjalinu,
- d) samantekt á ástæðunum fyrir því hvers vegna breytingin er nauðsynleg,
- e) ákvörðunina um að samþykkja almennu breytinguna eins og um getur í 2. og 3. mgr. 8. gr. framseldrar reglugerðar (ESB) 2021/1235,
- f) ef við á, samsteypta eina skjalið, með breytingum,
- g) rafrænu tilvísunina í birta útgáfu samsteyptu forskriftarinnar fyrir afurðina, með breytingum.

2. Ef aðildarríki sendir orðsendinguna skal hún innihalda yfirlýsingu frá því aðildarríki um að það telji samþykktu breytinguna samræmast kröfunum í reglugerð (ESB) 2019/787 og ákvæðum sem eru samþykkt í samræmi við hana.

3. Ef um er að ræða brennda drykki sem eru upprunnir í þriðju löndum skal tilgreina í orðsendingunni frá yfirvöldum þriðja landsins, eða frá umsækjanda í þriðja landi sem hefur lögmetra hagsmuna að gæta, heiti þriðja landsins eða nafn umsækjandans sem sendir orðsendinguna og láta fylgja sönnun fyrir því að breytingin gildi í þriðja landinu. Hún getur innihaldið forskriftina fyrir afurðina eins og hún var birt opinberlega í staðinn fyrir rafrænu tilvísunina í birta útgáfu hennar.

4. Orðsending frá aðildarríki um samþykktu almenna breytingu skal tekin saman í samræmi við eyðublaðið sem er gert aðgengilegt í stafrænu kerfunum sem um getur í a-lið fyrstu undirgreinar 1. mgr. 13. gr. Fyrir orðsendingar frá þriðju löndum skal nota eyðublaðið sem sett er fram í VI. viðauka. Framkvæmdastjórnin getur fært þær upplýsingar sem þannig eru veittar inn í stafræn kerfi sín.

5. Að því er varðar 5. mgr. 8. gr. framseldrar reglugerðar (ESB) 2021/1235 skal heiti aðildarríkisins eða þriðja landsins eða nafn einstaklingsins eða heiti lögaðilans sem sendi orðsendingu um samþykktu almenna breytingu á forskrift fyrir afurð fyrir landfræðilega merkingu birt sem hluti af orðsendingunni.

*9. gr.***(Framkvæmdarvald í samræmi við c-lið 1. mgr. 42. gr. reglugerðar (ESB) 2019/787) Orðsending um tímabundna breytingu**

1. Orðsending um samþykktu tímabundna breytingu á forskrift fyrir afurð, í samræmi við 1. til 4. mgr. 10. gr. framseldrar reglugerðar (ESB) 2021/1235, skal innihalda:
 - a) tilvísunina í verndaða heitið sem hún varðar,
 - b) lýsingu á samþykktu tímabundnu breytingunni ásamt ástæðum sem styðja hana, eins og um getur í 3. mgr. 31. gr. framseldrar reglugerðar (ESB) 2019/787,
 - c) tilvísunina í formlega viðurkenningu lögbærra yfirvalda á náttúruhamförunum eða óhagstæðum veðurskilyrðum eða um setningu lögboðinna ráðstafana um hollustuhætti eða á sviði heilbrigðis plantna,
 - d) rafrænu tilvísunina í birta útgáfu landsbundnu ákvörðunarinnar um að samþykkja tímabundnu breytinguna.
2. Ef aðildarríki sendir orðsendinguna skal hún innihalda yfirlýsingu frá því aðildarríki um að það telji samþykktu breytinguna samræmast kröfunum í reglugerð (ESB) 2019/787 og ákvæðum sem eru samþykkt í samræmi við hana.
3. Ef um er að ræða brennda drykki sem eru upprunnir í þriðju löndum skal tilgreina í orðsendingunni frá yfirvöldum þriðja landsins, eða frá umsækjanda í þriðja landi sem hefur lögmætra hagsmuna að gæta, heiti þriðja landsins eða umsækjandans sem sendir orðsendinguna og láta fylgja sönnun fyrir því að breytingin gildi í þriðja landinu. Hún getur innihaldið landsbundnu ákvörðunina um að samþykkja tímabundnu breytinguna, eins og hún var birt opinberlega, í staðinn fyrir rafrænu tilvísunina í birtingu hennar.
4. Orðsending frá aðildarríki um samþykktu tímabundna breytingu skal tekin saman í samræmi við eyðublaðið sem er gert aðgengilegt í stafrænu kerfunum sem um getur í a-lið fyrstu undirgreinar 1. mgr. 13. gr. Fyrir orðsendingar frá þriðju löndum skal nota eyðublaðið sem sett er fram í VII. viðauka. Framkvæmdastjórnin getur fært þær upplýsingar sem þannig eru veittar inn í stafræn kerfi sín.
5. Að því er varðar 5. mgr. 10. gr. framseldrar reglugerðar (ESB) 2021/1235 skal heiti aðildarríkisins eða þriðja landsins eða nafn einstaklingsins eða heiti lögaðilans sem sendi orðsendingu um samþykktu tímabundna breytingu á forskrift fyrir afurð fyrir landfræðilega merkingu birt sem hluti af orðsendingunni.

*4. ÞÁTTUR***AFTURKÖLLUN***10. gr.***(Framselt vald í samræmi við d-lið 1. mgr. 42. gr. reglugerðar (ESB) 2019/787) Beiðnir um afturköllun**

1. Beiðni um að afturkalla skráningu á landfræðilegri merkingu, eins og um getur í 32. gr. reglugerðar (ESB) 2019/787, skal innihalda:
 - a) tilvísunina í verndaða heitið sem hún varðar,
 - b) aðildarríkið eða þriðja landið sem landfræðilega svæðið tilheyrir,
 - c) heiti og samskiptaupplýsingar yfirvaldsins eða lögaðilans sem vill láta afturkalla skráninguna. Ef einstaklingur óskar eftir afturköllun má sleppa nafni hans og öðrum persónuupplýsingum í beiðninni og senda aðskilið til framkvæmdastjórnarinnar,
 - d) lýsingu á lögmætum hagsmunum einstaklingsins eða lögaðilans sem vill láta afturkalla skráninguna. Þessi krafa skal ekki gilda um landsyfirvöld,
 - e) tilgreiningu á ástæðunni fyrir afturkölluninni,

- f) upplýsingar um staðreyndir málsins, sönnunargögn og athugasemdir sem styðja við beiðnina um afturköllun,
- g) yfirlýsingu frá aðildarríkinu um að það telji að beiðnin um afturköllun uppfylli kröfurnar í 32. gr. reglugerðar (ESB) 2019/787 og ákvæði sem samþykkt hafa verið í samræmi við hana.

Ef við á mega fylgiskjöl fylgja beiðninni um afturköllun.

- 2. Útbúa skal beiðni um afturköllun í samræmi við eyðublaðið í VIII. viðauka.
- 3. Framkvæmdastjórnin skal, að því er varðar aðra undirgrein 1. mgr. 32. gr. reglugerðar (ESB) 2019/787, í tengslum við 2. mgr. 26. gr. þeirrar reglugerðar, birta beiðnina um afturköllun í C-deild *Stjórnartíðinda Evrópusambandsins*. Nöfn einstaklinga eða lögaðila eða opinberra starfsmanna aðildarríkis eða þriðju landa sem leggja fram beiðni um afturköllun skulu birt sem hluti af þeirri beiðni.

5. ÞÁTTUR

NOTKUN Á EVRÓPUSAMBANDSTÁKNINU

11. gr.

(Framkvæmdarvald í samræmi við c-lið 20. gr. reglugerðar (ESB) 2019/787) Evrópusambandstákn

Evrópusambandstáknið sem gefur til kynna vernd sem landfræðileg merking, sem um getur í 16. gr. reglugerðar (ESB) 2019/787, skal birt á því formi sem mælt er fyrir um í X. viðauka við framkvæmdarreglugerð (ESB) nr. 668/2014.

6. ÞÁTTUR

EFTIRLIT

12. gr.

(Framkvæmdarvald í samræmi við e-lið 1. mgr. 42. gr. reglugerðar (ESB) 2019/787) Sannprófun á því að farið sé að forskriftinni fyrir afurðina

- 1. Að því er varðar þessa grein merkir „framleiðandi brennds drykkjar sem ber landfræðilega merkingu“ eða „vinnsluaðili brennds drykkjar sem ber landfræðilega merkingu“, hér á eftir nefndir „framleiðandi“ eða „vinnsluaðili“, eftir því sem við á: rekstraraðili sem stundar starfsemi sem fellur undir forskrift fyrir afurð fyrir samsvarandi landfræðilega merkingu.
- 2. Hver sá framleiðandi eða vinnsluaðili sem fer að reglunum sem kveðið er á um í III. kafla reglugerðar (ESB) 2019/787 hefur rétt á því að falla undir sannprófun á því að farið sé að tilskildum ákvæðum sem eru fastsett skv. 38. gr. þeirrar reglugerðar. Framleiðandi eða vinnsluaðili skal tilkynna um rekstur sinn til lögbæra yfirvaldsins sem um getur í a-lið fyrstu undirgreinar 2. mgr. 38. gr. reglugerðar (ESB) 2019/787.
- 3. Framleiðandi eða vinnsluaðili afurðar sem staðfest er, í kjölfar sannprófunarferlisins sem um getur í 38. gr. reglugerðar (ESB) 2019/787, að samræmist forskrift fyrir afurð fyrir landfræðilega merkingu sem nýtur verndar í samræmi við þá reglugerð skal annaðhvort:
 - a) fá vottorð, sem má vera staðfest afrit, sem staðfestir að farið sé að forskriftinni fyrir afurðina. Vottorðið skal a.m.k. vera á rafrænu formi og heimilt er að gera það aðgengilegt á vefsíðu sem framleiðandinn eða vinnsluaðilinn hefur aðgang að og þaðan sem framleiðandinn eða vinnsluaðilinn getur halað vottorðinu niður. Útgáfudagurinn skal koma fram á vottorðinu. Vottaðir framleiðendur eða vinnsluaðilar skulu gera vottorð sitt aðgengilegt fyrir allar opinberar eftirlitsstofnanir eða önnur eftirlitsyfirvöld. Þeir geta einnig gert vottorð sitt aðgengilegt fyrir almenning eða hvern þann einstakling sem kann að óska eftir sönnun fyrir vottun þegar viðskipti fara fram. Slíkt vottorð skal vera ritað með latnesku letri eða því fylgja umritun á annað tungumál eða annað stafróf með latneskum rittáknum eða

b) vera á skrá yfir samþykktu framleiðendur eða vinnsluaðila sem lögbært yfirvald kom á fót. Færslan í skránni, sem má vera viðeigandi útdráttur úr heildarskránni, skal gerð aðgengileg fyrir alla framleiðendur eða vinnsluaðila sem eru skráðir í skrána. Hún skal a.m.k. vera á rafrænu formi og heimilt er að gera hana aðgengilega á vefsíðu sem framleiðandinn eða vinnsluaðilinn hefur aðgang að og þaðan sem framleiðandinn eða vinnsluaðilinn getur halað niður opinberum útdrætti úr samsvarandi færslu í skránni. Í færslunni í skránni skal dagsetning innfærslu koma fram. Framleiðandinn eða vinnsluaðilinn skal gera færslu sína í skránni aðgengilega fyrir allar opinberar eftirlitsstofnanir eða önnur eftirlitsyfirvöld, sé þess óskað. Þeir geta einnig gert færslu sína í skránni aðgengilega fyrir almenning og fyrir hvern þann einstakling sem kann að óska eftir sönnun fyrir færslu í skránni þegar viðskipti fara fram. Slík færsla í skránni skal vera rituð með latnesku lettri eða henni fylgja umritun á annað tungumál eða annað stafróf með latneskum rittáknum.

4. Vottorðið og færslan í skránni, sem um getur í 3. mgr., skulu uppfærð með reglulegu millibili á grundvelli áhættumats. Vottorðið og færslan í skránni skulu a.m.k. innihalda eftirfarandi gögn:

- a) heiti vernduðu landfræðilegu merkingarinnar,
- b) flokk brennda drykkjarins,
- c) númer framleiðandans (valkvætt),
- d) firmaheiti og samskiptaupplýsingar framleiðandans eða vinnsluaðilans,
- e) firmaheiti eða opinbert heiti og samskiptaupplýsingar eftirlitsaðila eða yfirvalds sem ber ábyrgð á færslunni í skránni,
- f) starf framleiðandans eða vinnsluaðilans sem vottunin eða færslan í skránni gildir um, þ.e. „framleiðsla“, „vinnsla“, „átöppun (pökkun)“ og/eða „annað“ (skal skilgreint nánar),
- g) útgáfudag vottorðsins eða dagsetningu innfærslu í skrána,
- h) undirskrift, innsigli eða merki eftirlitsaðila eða yfirvalds sem ber ábyrgð á færslunni í skránni sem má vera rafræn.

5. Ef framleiðandi eða vinnsluaðili missir vottunina eða er tekinn af skránni skulu aðildarríki tryggja að framleiðandinn eða vinnsluaðilinn haldi ekki áfram að sýna eða nota vottorðið eða færsluna í skránni.

6. Til að greiða fyrir frjálsum flæði innan Sambandsins er aðilum sem gefa út vottorð og yfirvöldum sem bera ábyrgð á færslunum í skránum, sem um getur í 3. mgr., heimilt að nota eyðublaðið sem sett er fram í IX. viðauka.

7. Að því er varðar afurðir sem eru framleiddar í þriðju löndum skal framleiðandi eða vinnsluaðili afurðar með skráða landfræðilega merkingu sem er flutt inn í Sambandið láta innflytjanda afurðarinnar til Sambandsins í té, sé þess óskað, sönnun fyrir vottun sinni, eins og hún kemur frá landsbundnu eftirlitsyfirvaldi eða vottunaraðila þess þriðja lands, sem framleiðandi eða vinnsluaðili afurðar með þessa landfræðilegu merkingu.

Sönnun fyrir vottun má vera vottorð eða færsla í skrá yfir heimilaða framleiðendur eða vinnsluaðila og viðkomandi landsbundið yfirvald eða vottunaraðili getur afhent það beint. Sönnun fyrir vottun má vera á pappírformi eða rafræn. Hún skal vera á eða henni fylgja þýðing á opinberu tungumáli Sambandsins og með lettri sem er auðskiljanlegt í aðildarríkinu eða aðildarríkjunum þar sem afurðin er sett á markað. Hún skal ekki vera fallin úr gildi, í samræmi við landslög þriðja landsins, þann dag sem hún er gerð aðgengileg fyrir innflytjandann.

8. Innflytjandinn skal, sé þess óskað, gera sönnunina fyrir vottuninni sem um getur í 7. mgr. aðgengilega fyrir tollyfirvöld eða önnur yfirvöld í ESB sem taka þátt í að sannprófa notkun landfræðilegra merkinga á vörum sem eru tilkynntar í frjálst flæði eða settar á markað í Sambandinu. Innflytjandinn getur gert sönnunina fyrir vottuninni aðgengilega fyrir almenning eða hvern þann einstakling sem óskar eftir sönnun fyrir vottun þegar viðskipti fara fram.

III. KAFLI

ORÐSENDINGAR

13. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Orðsendingar milli framkvæmdastjórnarinnar, aðildarríkjanna, þriðju landa og annarra rekstraraðila

1. Skjöl og upplýsingar sem krafist er til að koma III. kafla reglugerðar (ESB) 2019/787 og II. kafla þessarar reglugerðar í framkvæmd skulu send til framkvæmdastjórnarinnar sem hér segir:

- a) frá lögbærum yfirvöldum aðildarríkjanna: gegnum stafrænu kerfin sem framkvæmdastjórnin gerir aðgengileg, með fyrirvara um 2. mgr.,
- b) frá lögbærum yfirvöldum og framleiðendum í þriðju löndum, sem og einstaklingum eða lögaðilum sem hafa lögmætra hagsmuna að gæta samkvæmt reglugerð (ESB) 2019/787: með tölvupósti með því að nota eyðublöðin sem sett eru fram í I. til VIII. viðauka við þessa reglugerð.

Þær meginreglur og kröfur sem mælt er fyrir um í framseldri reglugerð (ESB) 2017/1183 og framkvæmdarreglugerð (ESB) 2017/1185 gilda um orðsendingar sem sendar eru skv. a-lið fyrstu undirgreinar.

2. Þrátt fyrir a-lið fyrstu undirgreinar 1. mgr. skulu lögbær yfirvöld aðildarríkjanna senda tilkynninguna um andmælin, rökstuddu yfirlýsinguna um andmælin og tilkynninguna um niðurstöður samráðsins sem um getur í 6. gr., sem og beiðnina um afturköllun sem um getur í 10. gr., til framkvæmdastjórnarinnar með tölvupósti.

3. Framkvæmdastjórnin skal senda upplýsingar og gera þær aðgengilegar fyrir lögbær yfirvöld aðildarríkjanna í gegnum stafrænu kerfin sem framkvæmdastjórnin gerir aðgengileg í samræmi við a-lið fyrstu undirgreinar 1. mgr. Framkvæmdastjórnin skal senda upplýsingar í tengslum við málsmeðferð, sem um getur í b-lið 1. mgr. og í 2. mgr., til aðildarríkjanna, lögbærra yfirvalda og umsækjendahópa í þriðju löndum, sem og til einstaklinga eða lögaðila sem hafa lögmætra hagsmuna að gæta samkvæmt reglugerð (ESB) 2019/787, með tölvupósti.

4. Að því er varðar opinberar tæknilegar orðsendingar sem varða landfræðilegar merkingar á brenndum drykkjum skal hvert aðildarríki senda framkvæmdastjórninni einn tengilið sem samanstendur af heiti deildar og pósthafi hennar, virku tölvupósthafi og símanúmeri deildarinnar. Aðildarríkið skal halda þessum tengiliðum uppfærðum. Í þessum gögnum skal einungis tilgreina opinberar stöður, skrifstofur og deildir. Í gögnunum skal hvorki tilgreina einstaklinga né persónuupplýsingar sem annars kunna að vera hluti af heimilisföngum, símanúmerum tengiliða eða öðrum gagnaatriðum.

Framkvæmdastjórnin getur varðveitt, geymt, miðlað, birt opinberlega og dreift með reglulegu millibili allri skránni yfir slíka tengiliði, þ.m.t. til sinna eigin skrifstofa, annarra stofnana og aðila Sambandsins, og til allra tengiliða í skránni. Framkvæmdastjórnin getur gert kröfu um að þessi gögn séu lögð fram í gegnum stafræn kerfi sem hún gerir aðgengileg.

14. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Framlagning og viðtaka orðsendinga

1. Orðsendingar og framlögð gögn sem um getur í 13. gr. skulu teljast hafa verið framlögð á þeim degi sem þau berast framkvæmdastjórninni.

2. Framkvæmdastjórnin skal staðfesta viðtöku allra orðsendinga sem henni berast og allra skráa sem eru sendar gegnum stafrænu kerfin, sem um getur í a-lið fyrstu undirgreinar 1. mgr. 13. gr., til lögbærra yfirvalda aðildarríkjanna gegnum stafrænu kerfin.

Framkvæmdastjórnin skal úthluta hverri nýrri umsókn um skráningu, umsókn um samþykki fyrir breytingu á vegum Sambandsins, orðsendingum sem varða samþykktar almennar breytingar og orðsendingum sem varða samþykktar tímabundnar breytingar skrásetningarnúmeri.

Staðfesting á viðtöku skal a.m.k. innihalda eftirfarandi þætti:

- a) skrásetningarnúmerið,
- b) heiti viðkomandi afurðar,
- c) viðtökudaginn.

Framkvæmdastjórnin skal tilkynna um og gera aðgengilegar upplýsingar og athugasemdir varðandi slíkar orðsendingar og framlögð gögn gegnum stafrænu kerfin sem um getur í a-lið fyrstu undirgreinar 1. mgr. 13. gr.

3. Að því er varðar orðsendingar og framlagningar skráa sem eru sendar með tölvupósti skal framkvæmdastjórnin staðfesta viðtöku með tölvupósti.

Hún skal úthluta hverri nýrri umsókn um skráningu, umsókn um samþykki fyrir breytingum á vegum Sambandsins, orðsendingum sem varða samþykktar almennar breytingar og orðsendingum varðandi samþykktar tímabundnar breytingar skrásetningarnúmeri.

Staðfesting á viðtöku skal a.m.k. innihalda eftirfarandi þætti:

- a) skrásetningarnúmerið,
- b) heiti viðkomandi afurðar,
- c) viðtökudaginn.

Framkvæmdastjórnin skal tilkynna um og gera aðgengilegar upplýsingar og athugasemdir varðandi slíkar orðsendingar og framlagningar með tölvupósti.

4. Ákvæði 4. gr. framseldrar reglugerðar (ESB) 2017/1183 og 1. til 5. gr. framkvæmdarreglugerðar (ESB) 2017/1185 gilda að breyttu breytanda um tilkynningar og að gera upplýsingar aðgengilegar eins og um getur í 1. og 2. mgr. þessarar greinar.

15. gr.

(Framkvæmdarvald í samræmi við 2. mgr. 42. gr. reglugerðar (ESB) 2019/787) Upplýsingar sem birta skal opinberlega

Þær upplýsingar sem framkvæmdastjórninni ber að birta opinberlega í samræmi við III. kafla reglugerðar (ESB) 2019/787, framselda reglugerð (ESB) 2021/1235 og þessa reglugerð skulu birtar opinberlega í gegnum stafrænu kerfin sem framkvæmdastjórnin gerir aðgengileg eins og um getur í a-lið fyrstu undirgreinar 1. mgr. 13. gr. þessarar reglugerðar.

IV. KAFLI

Persónuupplýsingar

16. gr.

(Framkvæmdarvald í samræmi við 2. lið 1. mgr. 42. gr. reglugerðar (ESB) 2019/787) Persónuupplýsingar

1. Framkvæmdastjórnin og aðildarríkin skulu vinna þær persónuupplýsingar sem þeim berast við málsmeðferð vegna skráningar, samþykkis fyrir breytingum, afturköllunar og eftirlits samkvæmt reglugerð (ESB) 2019/787, framseldri reglugerð (ESB) 2021/1235 og þessari reglugerð í samræmi við reglugerð (ESB) 2018/1725 og reglugerð (ESB) 2016/679.

2. Framkvæmdastjórnin skal teljast vera ábyrgðaraðili í skilningi reglugerðar (ESB) 2018/1725 í tengslum við vinnslu persónuupplýsinga í málsmeðferð þar sem hún er lögbær í samræmi við reglugerð (ESB) 2019/787, framselda reglugerð (ESB) 2021/1235 og þessa reglugerð.

3. Lögbær yfirvöld aðildarríkjanna skulu teljast vera ábyrgðaraðilar í skilningi reglugerðar (ESB) 2016/679 í tengslum við vinnslu persónuupplýsinga í málsmeðferð þar sem þau eru lögbær í samræmi við reglugerð (ESB) 2019/787, framselda reglugerð (ESB) 2021/1235 og þessa reglugerð.

V. KAFLI

Lokaákvæði

17. gr.

Gildistaka og framkvæmd

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. maí 2021.

Fyrir hönd framkvæmdastjórnarinnar,

Ursula VON DER LEYEN

forseti.

I. VIÐAUKI

EINA SKJALIÐ (REGLUGERÐ (ESB) 2019/787)

„HEITI“

GI-XX-XXXX

Dagsetning umsóknar: XX-XX-XXXX

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstföng). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Ef til andmæla kemur er nafn umsækjanda sent til mótaðilans til að viðeigandi samráð geti hafist í samræmi við 3. mgr. 27. gr. reglugerðar Evrópuþingsins og ráðsins (ESB) 2019/787 ⁽²⁾. Persónuverndaryfirlýsingin er aðgengileg á Europa-vefsetrinu.

1. Heiti sem skal skrá:

...

2. Priðja land eða lönd sem landfræðilega svæðið tilheyrir:

...

3. Tegund landfræðilegrar merkingar:

Landfræðileg merking

4. Flokkur eða flokkar brennda drykkjarins:

...

5. Lýsing á eiginleikum brennda drykkjarins:

...

6. Skilgreining á landfræðilega svæðinu:

...

7. Framleiðsluáferð:

...

8. Sérstækar reglur varðandi umbúðir:

... [Ef það á ekki við skal skilja eftir eyðu Samantekt rökstuðnings fyrir hvers konar takmörkunum skal koma fram].

9. Sérstækar reglur varðandi merkingar:

... [Ef það á ekki við skal skilja eftir eyðu Samantekt rökstuðnings fyrir hvers konar takmörkun skal koma fram].

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

10. Lýsing á tengslunum milli brennda drykkjarins og landfræðilegs uppruna hans, þ.m.t., eftir því sem við á, sérstakir þættir afurðalýsingarinnar eða framleiðsluaðferðarinnar sem réttlæta tengslin:

...

Tilvísun í birta útgáfu forskriftarinnar fyrir afurðina

...

II. VIÐAUKI

TILKYNNING UM ANDMÆLI (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Tilkynning um andmæli, þ.m.t. nafn mótaðilans, er send til umsækjandans í samræmi við 1. mgr. 27. gr. reglugerðar Evrópuþingsins og ráðsins (ESB) 2019/787 ⁽²⁾. Persónuverndaryfirlýsingin er aðgengileg á Europa-vefsetrinu.

1. Heiti afurðar

[eins og það birtist í Stjórnartíðindunum]

...

2. Tilvísun

[eins og það birtist í Stjórnartíðindunum]

Tilvísunarnúmer:...

Dagsetning birtingar í Stjórnartíðindunum:...

3. Tilkynning um andmæli

[Heiti aðildarríkisins eða þriðja landsins eða lögaðilans eða nafn einstaklingsins, sem hefur lögmætra hagsmuna að gæta og hefur staðfestu í þriðja landi, sem leggur fram þessa tilkynningu um andmæli] telur að umsóknin, sem um getur í 1. og 2. lið, gæti brotið í bága við skilyrðin sem mælt er fyrir um í III. kafla reglugerðar Evrópuþingsins og ráðsins (ESB) 2019/787 og áskilur sér rétt til að senda rökstudda yfirlýsingu um andmæli í samræmi við 2. mgr. 27. gr. reglugerðar (ESB) 2019/787.]

4. Samskiptaupplýsingar

Tengiliður*:...

Hópur/samtök eða landsyfirvald:...

Deild:...

Heimilisfang: ...

...

Sími: + ...

Tölvupóstfang:...

5. Dagsetning og undirskrift

[Heiti]

[Deild/stofnun eða fyrirtæki]

[Heimilisfang]

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

[Símanúmer:+]

[Tölvupóstfang:]

[Dagsetning:]

[Undirskrift:]

III. VIÐAUKI

RÖKSTUDD YFIRLÝSING UM ANDMÆLI (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Ef andmæli teljast tæk er nafn mótaðilans sent til umsækjandans til að viðeigandi samráð geti hafist í samræmi við 3. mgr. 27. gr. reglugerðar Evrópuþingsins og ráðsins (ESB) 2019/787 ⁽²⁾. Persónuverndaryfirlýsingin er aðgengileg á Europa-vefsetrinu.

1. Heiti afurðar

[eins og það birtist í *Stjórnartíðindunum*]

...

2. Tilvísun

[eins og það birtist í *Stjórnartíðindunum*]

Tilvísunarnúmer:...

Dagsetning birtingar í *Stjórnartíðindunum*:...

3. Nafn mótaðilans

[Aðildarríki, þriðja land, einstaklingur eða lögaðili með staðfestu í þriðja landi]

...

4. Samskiptaupplýsingar

Tengiliður:

Hópur/samtök eða landsyfirvald:

Deild:...

Heimilisfang:

...

Sími + ...

Tölvupóstfang:...

5. Lögmætir hagsmunir (ekki krafist fyrir landsyfirvöld)

[Leggið fram yfirlýsingu með útskýringum á lögmætum hagsmunum mótaðilans. Ef andmæli varða beiðni um afturköllun skal sýna fram á notkun á skráða heitinu í viðskiptalegum tilgangi (3. mgr. 12. gr. framseldrar reglugerðar framkvæmdastjórnarinnar (ESB) 2021/1235 ⁽³⁾). Landsyfirvöld eru undanþegin þessari kröfu.]

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

⁽³⁾ Framseld reglugerð framkvæmdastjórnarinnar (ESB) 2021/1235 frá 12. maí 2021 um viðbætur við reglugerð Evrópuþingsins og ráðsins (ESB) 2019/787 með reglum er varða umsóknir um skráningu á landfræðilegum merkingum á brenndum drykkjum, breytingar á forskriftum fyrir afurðir, afturköllun skráningar og skrána (Stjtíð. ESB L 270, 29.7.2021, bls. 1).

6. Ástæður fyrir andmælum:

- Umsókn um skráningu eða samþykki fyrir breytingu á vegum Sambandsins eða beiðni um afturköllun samræmist ekki reglum um landfræðilegar merkingar á brenndum drykkjum vegna þess að hún myndi brjóta í bága við 4. mgr. 3. gr. og 22., 31. eða 32. gr. reglugerðar (ESB) 2019/787, eftir því sem við á, og við ákvæði sem eru samþykkt í samræmi við hana.
- Umsókn um skráningu eða samþykki fyrir breytingu á vegum Sambandsins samræmist ekki reglum um landfræðilegar merkingar á brenndum drykkjum vegna þess að hún myndi brjóta í bága við 34. eða 35. gr. reglugerðar (ESB) 2019/787.
- Umsókn um skráningu eða samþykki fyrir breytingu á vegum Sambandsins samræmist ekki reglum um landfræðilegar merkingar á brenndum drykkjum vegna þess að skráningin á tillögðu landfræðilegu merkingunni myndi stofna í hættu tilvist heitis eða vörumerkis sem er næstum því eða alveg eins, eða tilvist vöru sem hefur verið löglega á markaði í a.m.k. 5 ár fyrir útgáfudaginn sem kveðið er á um í 2. mgr. 26. gr. reglugerðar (ESB) 2019/787.

7. Nánari upplýsingar um andmælin

[Leggið fram tilhlýðilega rökstuddar ástæður og rökstuðning, upplýsingar um staðreyndir málsins, sannanir og athugasemdir til stuðnings andmælunum. Leggið fram nauðsynleg gögn ef um er að ræða andmæli á grundvelli tilvistar eldra vörumerkis sem nýtur orðspors og orðstírs (2. mgr. 35. gr. reglugerðar (ESB) 2019/787)].

8. Skrá yfir fylgiskjöl *[Leggið fram skrána yfir skjölin sem send eru til stuðnings andmælunum].*

9. Dagsetning og undirskrift

[Heiti]

[Deild/stofnun eða fyrirtæki]

[Heimilisfang]

[Símanúmer: +]

[Tölvupóstfang:]

[Dagsetning:]

[Undirskrift:]

IV. VIÐAUKI

TILKYNNING UM LOK SAMRÁÐS Í KJÖLFAR ANDMÆLAMÉÐFERÐAR (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstföng). Persónuverndaryfirlýsingin er aðgengileg á Europa-vefsetrinu.

1. **Heiti afurðar**

[eins og það birtist í *Stjórnartíðindunum*]

2. **Tilvísun**

[eins og það birtist í *Stjórnartíðindunum*]

Tilvísunarnúmer:

Dagsetning birtingar í *Stjórnartíðindunum*:

3. **Nafn mótaðilans**

[Aðildarríki, þriðja land, einstaklingur eða lögaðili með staðfestu í þriðja landi]

...

4. **Niðurstaða samráðs**4.1. *Samkomulag náðist við eftirfarandi mótaðila:*

[bætið við afitum af bréfum sem sýna fram á samkomulag og alla þætti sem gerðu það kleift að ná samkomulagi (3. mgr. 27. gr. reglugerðar Evrópuþingsins og ráðsins (ESB) 2019/787 ⁽¹⁾)]

4.2. *Samkomulag náðist ekki við eftirfarandi mótaðila:*

[bætið við þeim upplýsingum sem um getur í 3. mgr. 27. gr. reglugerðar (ESB) 2019/787]

5. **Forskrift fyrir afurð og eina skjalið**5.1. *Forskrift fyrir afurð hefur verið breytt:*

... Já* ...Nei

Ef merkt var við „Já“ skal bæta við lýsingu á breytingunum og breyttu forskriftinni fyrir afurðina

5.2. *Eina skjalinu hefur verið breytt:*

... Já** ... Nei

**Ef svarið er „Já“, skal bæta uppfærða skjalinu við

6. **Dagsetning og undirskrift**

[Heiti]

[Deild/stofnun eða fyrirtæki]

(¹) Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

[Heimilisfang]

[Símanúmer: +]

[Tölvupóstfang:]

[Dagsetning:]

[Undirskrift:]

V. VIÐAUKI

UMSÓKN UM SAMPYKKI FYRIR BREYTINGU Á VEGUM SAMBANDSINS Á FORSKRIFT FYRIR AFURÐ (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 (1). Af ástæðum sem varða gagnsæi og til að gera hugsanlegum mótaðilum kleift að andmæla kröfunni um lögmæta hagsmuni umsækjandans verður að birta nafn umsækjandans um breytingu á vegum Sambandsins á forskriftinni fyrir afurðina. Persónuverndar-yfirlýsingin er aðgengileg á Europa-vefsetrinu.

1. Heiti afurðar

[eins og það birtist í Stjórnartíðindunum]

2. Umsækjandi og lögmætir hagsmunir

[Gefið upp nafn, heimilisfang, símanúmer og tölvupóstfang umsækjandans sem leggur til breytinguna. Ef heimilisfang, símanúmer og tölvupóstfang varða einstakling mega þær upplýsingar ekki koma fram á þessu eyðublaði og þær eru sendar aðskilið til framkvæmdastjórnarinnar.

Leggið einnig fram yfirlýsingu þar sem fram koma lögmætir hagsmunir umsækjandans.]

3. Þriðja land sem landfræðilega svæðið tilheyrir

...

4. Yfirskrift í forskriftinni fyrir afurðina og í eina skjalinu sem breytingin eða breytingarnar hafa áhrif á

- Heiti afurðar
- Flokkur eða lögheiti brennda drykkjarins
- Tengsl
- Markaðshindranir

5. Tegund breytinga(r)

[Leggið fram yfirlýsingu með útskýringum á því hvers vegna breytingin eða breytingarnar falla undir skilgreininguna á breytingu á vegum Sambandsins eins og kveðið er á um í 31. gr. reglugerðar Evrópuþingsins og ráðsins (ESB) 2019/787 (2)].

(1) Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

(2) Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

6. Breyting(ar)

[Leggið fram tæmandi lýsingu á og ástæðurnar fyrir hverri breytingu. Umsókn um breytingu verður að vera ítarleg og tæmandi eins og kveðið er á um í 1. mgr. 7. gr. framseldrar reglugerðar framkvæmdastjórnarinnar (ESB) 2021/1235 ⁽³⁾ og 7. gr. framkvæmdarreglugerðar framkvæmdastjórnarinnar (ESB) 2021/1236 ⁽⁴⁾].

7. Viðaukar

- 7.1. Samsteypa eina skjalið, með breytingum
- 7.2. Samsteypa útgáfan af forskriftinni fyrir afurðina, eins og hún var birt, eða tilvísunin í birta útgáfu forskriftarinnar fyrir afurðina
- 7.3. Sönnun fyrir því að breyttu skjölin samsvari landfræðilegu merkingunni sem gildir í þriðja landinu

⁽³⁾ Framseld reglugerð framkvæmdastjórnarinnar (ESB) 2021/1235 frá 12. maí 2021 um viðbætur við reglugerð Evrópuþingsins og ráðsins (ESB) 2019/787 með reglum er varða umsóknir um skráningu á landfræðilegum merkingum á brenndum drykkjum, breytingar á forskriftum fyrir afurðir, afturköllun skráningar og skrána (Stjtið. ESB L 270, 29.7.2021, bls. 1).

⁽⁴⁾ Framkvæmdarreglugerð framkvæmdastjórnarinnar (ESB) 2021/1236 frá 12. maí 2021 um reglur um beitingu reglugerðar Evrópuþingsins og ráðsins (ESB) 2019/787 er varða umsóknir um skráningu á landfræðilegum merkingum á brenndum drykkjum, andmælameðferð, breytingar á forskriftum fyrir afurðir, afturköllun skráningar, notkun tákns og eftirlit (Stjtið. ESB L 270, 29.7.2021, bls. 10).

VI. VIÐAUKI

ORÐSENDING UM SAMÞYKKI FYRIR ALMENNRI BREYTINGU (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Af ástæðum sem varða gagnsæi verður að birta nafn sendandans. Persónuverndaryfirlýsingin er aðgengileg á Europa-vefsetrinu.

1. Heiti afurðar

[eins og það birtist í *Stjórnartíðindunum*]

2. Þriðja land sem landfræðilega svæðið tilheyrir

...

3. Sendandi

[Einn framleiðandi eða hópur framleiðenda sem hefur lögmætra hagsmuna að gæta eða yfirvöld í þriðja landinu sem landfræðilega svæðið tilheyrir (sjá 8. mgr. 24. gr. reglugerðar Evrópuþingsins og ráðsins (ESB) 2019/787 ⁽²⁾)].

4. Lýsing á samþykktu breytingunni eða breytingunum

[Leggið fram lýsingu á almennu breytingunni eða breytingunum og yfirlýsingu með útskýringum á því af hverju breytingin eða breytingarnar falla undir skilgreininguna á almennri breytingu eins og kveðið er á um í 3. mgr. 31. gr. reglugerðar (ESB) 2019/787. Bæta skal við samantekt á ástæðunum fyrir því hvers vegna breytingarnar eru nauðsynlegar]. Tilgreinið hvort breytingin leiðir til breytingar á eina skjalinu eða ekki.]

5. Viðaukar

- 5.1.** Ákvörðunin um að samþykkja almennu breytinguna
- 5.2.** Sönnun fyrir því að breytingin gildi í þriðja landinu
- 5.3.** Samsteypa eina skjalið, með breytingum, ef við á
- 5.4.** Afrit af samsteypu útgáfunni af forskriftinni fyrir afurðina eins og hún var birt, eða tilvísunin í birta útgáfu forskriftarinnar fyrir afurðina

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

VII. VIÐAUKI

ORÐSENDING UM SAMÞYKKI FYRIR TÍMABUNDinni BREYTINGU (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Af ástæðum sem varða gagnsæi verður að birta nafn sendandans. Persónuverndaryfirlýsingin er aðgengileg á Europa-vefsetrinu.

1. Heiti afurðar

[eins og það birtist í *Stjórnartíðindunum*]

2. Þriðja land sem landfræðilega svæðið tilheyrir

...

3. Sendandi

[Einn framleiðandi eða hópur framleiðenda sem hefur lögmætra hagsmuna að gæta eða yfirvöld í þriðja landinu sem landfræðilega svæðið tilheyrir (sjá 8. mgr. 24. gr. reglugerðar Evrópuþingsins og ráðsins (ESB) 2019/787 ⁽²⁾)].

4. Lýsing á samþykktu breytingunni eða breytingunum

[Leggið fram lýsingu á tímabundnu breytingunni eða breytingunum og sérstökum ástæðum fyrir henni eða þeim, þ.m.t. tilvísun í formlega viðurkenningu lögbæru yfirvaldanna á náttúruhamförum eða óhagstæðum veðurskilyrðum eða um setningu lögbodinna ráðstafana um hollustuhætti eða á sviði heilbrigðis plantna. Leggið einnig fram yfirlýsingu með útskýringum á því af hverju breytingin eða breytingarnar falla undir skilgreininguna á tímabundinni breytingu eins og kveðið er á um í 3. mgr. 31. gr. reglugerðar (ESB) 2019/787.]

5. Viðaukar

5.1. Umsóknin um samþykktu tímabundnu breytinguna

5.2. Ákvörðunin um að samþykkja tímabundnu breytinguna

5.3. Sönnun fyrir því að breytingin gildi í þriðja landinu

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

VIII. VIÐAUKI

BEIÐNI UM AFTURKÖLLUN (REGLUGERÐ (ESB) 2019/787)

Mikilvæg tilkynning: umsækjendum er ráðlagt að gefa ekki upp neinar persónuupplýsingar (þ.m.t. nöfn einstaklinga) og einkum í samskiptaupplýsingum (s.s. einkasímanúmer og -tölvupóstfang). Allar persónuupplýsingar sem lagðar eru fram á þessu eyðublaði verða unnar í samræmi við reglugerð Evrópuþingsins og ráðsins (ESB) 2018/1725 ⁽¹⁾. Af ástæðum sem varða gagnsæi og til að gera hugsanlegum mótaðilum kleift að andmæla kröfunni um lögmæta hagsmuni einstaklingsins eða lögaðilans sem leggur fram beiðni um afturköllun verður að birta heiti þess aðila. Persónuverndaryfirlýsingin er aðgengileg á Europa-vefsetrinu.

1. Skráð heiti sem lagt er til að verði afturkallað

...

2. Aðildarríki eða þriðja land sem landfræðilega svæðið tilheyrir

...

3. Einstaklingur eða lögaðili, aðildarríki eða þriðja land sem leggur fram beiðni um afturköllun

[Gefið upp nafn, heimilisfang, símanúmer og tölvupóstfang einstaklings eða lögaðila eða framleiðenda sem óska eftir afturkölluninni. Ef heimilisfang, símanúmer og tölvupóstfang varða einstakling mega þær upplýsingar ekki koma fram á þessu eyðublaði og þær eru sendar aðskilið til framkvæmdastjórnarinnar.

Leggið einnig fram yfirlýsingu með útskýringum á lögmætum hagsmunum einstaklingsins eða lögaðilans sem óskar eftir afturkölluninni (ekki krafist fyrir landsyfirvöld).]

4. Ástæður fyrir afturköllun og tengdar ástæður

Í samræmi við 1. mgr. 32. gr. reglugerðar Evrópuþingsins og ráðsins (ESB) 2019/787 ⁽²⁾,

a-liður

[Leggið fram ítarlegan rökstuðning og, eftir því sem við á, sannanir fyrir afturköllun skráningarinnar á heitinu í samræmi við a-lið fyrstu undirgreinar 1. mgr. 32. gr. reglugerðar (ESB) 2019/787.]

b-liður

[Leggið fram ítarlegan rökstuðning og, eftir því sem við á, sannanir fyrir afturköllun skráningarinnar á heitinu í samræmi við b-lið fyrstu undirgreinar 1. mgr. 32. gr. reglugerðar (ESB) 2019/787.]

Í samræmi við 2. mgr. 32. gr. reglugerðar (ESB) 2019/787

[Leggið fram ítarlegan rökstuðning og, eftir því sem við á, sannanir fyrir afturköllun skráningarinnar á heitinu í samræmi við 2. mgr. 32. gr. reglugerðar (ESB) 2019/787.]

5. Skrá yfir fylgiskjöl

[Leggið fram skrá yfir skjölin sem eru send til að styðja við beiðnina um afturköllun, ef við á.

Aðildarríki eru beðin um að leggja fram yfirlýsingu um að beiðnin um afturköllun uppfylli kröfurnar í 32. gr. reglugerðar (ESB) 2019/787 og ákvæði sem eru samþykkt í samræmi við hana.]

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og fagstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimís úr landbúnaði í áfenga drykki og um niðurfellingu á reglugerð (EB) nr. 110/2008 (Stjtíð. ESB L 130, 17.5.2019, bls. 1).

6. Dagsetning og undirskrift

[Heiti]

[Deild/stofnun eða fyrirtæki]

[Dagsetning:]

[Undirskrift:]

IX. VIÐAUKI

OPINBERT VOTTORÐ EÐA OPINBER FÆRSLA Í SKRÁ YFIR FRAMLEIÐENDUR EÐA VINNSLUAÐILA SEM FARA AÐ FORSKRIFT FYRIR AFURÐ FYRIR LANDFRÆÐILEGA MERKINGU Í GEIRA BRENNDRÁ DRYKKJA SKV. 3. MGR. 12. GR. FRAMKVÆMDARREGLUGERÐAR FRAMKVÆMDASTJÓRNARINNAR (ESB) 2021/1236 ⁽¹⁾

Þetta skjal staðfestir að framleiðandinn eða vinnsluaðilinn er vottaður til að merkja afurð sem landfræðilega merkingu sem nýtur verndar í samræmi við reglugerð Evrópuþingsins og ráðsins (ESB) 2019/787 ⁽²⁾

1. Vernduð landfræðileg merking (VLM) (*) [VLM eins og hún er færð inn í skrána]	
2. Flokkur brenndra drykkja (*)	
3. Framleiðandi eða vinnsluaðili (*) [fyrmaheiti, samskiptaupplýsingar og númer framleiðanda]	
4. Eftirlitsaðili eða útgáfufyrirvald (*) [fyrmaheiti og samskiptaupplýsingar]	
5. Tilvísun [það er valkvætt fyrir eftirlitsaðila eða útgáfufyrirvald að veita þessar upplýsingar]	
6. Starf framleiðandans eða vinnsluaðilans sem vottunin gildir um (*) („framleiðsla“, „vinnsla“, „átöppun (pökkun)“ eða „annað (skilgreinið nánar)“ – færið inn allt sem við á]	
7. Útgáfudagur vottorðsins eða dagsetning innfærslu í skrána (færslan í skránni má vera viðeigandi útdráttur) (*) [dd.mm.áááá]	
8. Undirskrift, innsigli eða merki eftirlitsaðilans eða útgáfufyrirvaldsins (*)	

(*) skyldubundnir reitir

⁽¹⁾ Framkvæmdarreglugerð framkvæmdastjórnarinnar (ESB) 2021/1236 frá 12. maí 2021 um reglur um beitingu reglugerðar Evrópuþingsins og ráðsins (ESB) 2019/787 er varða umsóknir um skráningu á landfræðilegum merkingum á brenndum drykkjum, andmælameðferð, breytingar á forskriftum fyrir afurðir, afturköllun skráningar, notkun tákns og eftirlit (Stjtið. ESB L 270, 29.7.2021, bls. 10).

⁽²⁾ Reglugerð Evrópuþingsins og ráðsins (ESB) 2019/787 frá 17. apríl 2019 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki og um niðurfellingu á reglugerð (EB) nr. 110/2008 (Stjtið. ESB L 130, 17.5.2019, bls. 1).